

ОИЛАДАГИ ҲАЛОЛЛИК – ТАРБИЯНИНГ БОШ МЕЗОНИДИР.

подполковник Аҳмедов Фарход Сайдалиевич
Малака оширии институти Касбий тайёргарлик
факультети Махсус фанлар цикли ўқитувчиси
+99893 1171133
+99899 8226327

Аннотация: Мазкур мақолада оиласаги ҳалоллик – тарбиянинг бош мезони ҳисобланаби, миллий ва диний қадриятларга, миллий урф-одатларга эга бўлган буюк ҳалқ эканлигимизни, миллатимизда азал-азалдан иймон, эътиқод, виждон, диёнат, ор-номус, шарм-ҳаё, уят, инсоф, орият, андиша, ғуур, ифтихор, шижаат, сабр-тоқатлилик, бағрикенглик, меҳмондўстлик ва ҳалоллик каби инсонийлик хислатлари шакллантирилган.

Таянч сўзлар: Оила, тарбия, инсон, ҳалоллик, коррупция, вакцина, ҳаром, хиёнат, жиноят.

Тарбия биз учун ё ҳаёт ё мамот, ё нажот – ё ҳалокат, ё саодат – ё фалокат масаласидир.

Абдулла Авлоний

Тарбия бир кунлик эмас, балки бир умрлик жараёндир. Аслида биз улкан миллий ва диний қадриятларга, миллий урф-одатларга эга бўлган буюк ҳалқимиз. Миллатимизда азал-азалдан иймон, эътиқод, виждон, диёнат, ор-номус, шарм-ҳаё, уят, инсоф, орият, андиша, ғуур, ифтихор, шижаат, сабр-тоқатлилик, бағрикенглик, меҳмондўстлик ва ҳалоллик каби инсонийлик хислатлари шакллантирилган. Бу хислатларнинг барчаси бизнинг миллий қадриятларимиз ва маънавиятимиз саналади. Шу сабабли, биз уларни сақлашимиз, ривожлантиришимиз ва фарзандларимиз қалбига доимий сингдириб боришимиз зарур.

Ўзбекистон Республикаси Президенти Шавкат Мирзиёев Олий Мажлисга Мурожаатномасида “Коррупцияга қарши курашишда ахолининг барча қатламлари, энг яхши мутахассислар жалб қилинмас экан, жамиятимизнинг барча аъзолари, таъбир жоиз бўлса, “ҳалоллик вакцинаси” билан эмланмас экан, ўз олдимизга қўйган юксак мэрраларга эриша олмаймиз. Биз коррупциянинг оқибатлари билан курашишдан унинг барвақт олдини олишга ўтишимиз керак”, деб таъкидлади.

Бу Ватанимиз тараққиётини жадаллик билан олға суриш учун коррупция илдизларига болта уриш, ҳар бир одам ўз олдига ҳалолликни бош вазифа қилиб қўйиши лозимлигини, ҳалол бўлмаган одамларни мажозий маънода, “ҳалоллик вакцинаси” билан эмлаш зарурлигини англатади. Хўш, “ҳалоллик вакцинаси” нима ва у қандай эмланади?

Назаримизда, “ҳалоллик вакцинаси” инсон қалбига игна билан эмас, иймон нури орқали ўтиб, унинг виждонини поклайди. Ҳар қандай инсонга қондан ва она сути орқали “ҳалоллик вакцинаси” сингиб боради. Демак, инсон ҳалол бўлиши учун унинг иймони бутун бўлиши лозим. Ҳар бир одам ўз ишини ҳалол бажарса, у

“ҳаллоллик вакцинаси” билан эмланган бўлади. Ана шундай иммунитетни шакллантириш вазифаси аввало ота-оналар, мактабгача ва умумий ўрта таълим муассасалари ходимлари, шунингдек, ҳалқимизнинг зиёли, маънавиятли қисми зиммасига юкланди.

Оиладаги ҳалоллик – тарбиянинг бош мезонидир деб бежиз айтилмаган. «Одам боласи бу ёруғ оламга ёмонлик, ҳаром иш, жиноят, хиёнат қилиш учун келмайди. Ундан мақсад, масъулият, дахлдорлик ҳисси доим улуғвор. Шу боис пешона тери, ҳалол хизмати билан яхшиларга ёндашади. Кимни баҳтли, деб ҳисоблаш мумкин, деган саволга юонон файласуфи Суқрот шундай жавоб берган экан: «Кимда ҳалол фикр ва ўткир зеҳн бўлса, ўшани». Демак, ҳалоллик фикрдан бошланмоғи керак. Ҳалоллик шунчаки инсоний фазилат эмас, балки маънавий покланиш жараёни, ғуур, метин ирода, сабр-қаноат, ўзини ўзи назорат қилиш, ички ва ташқи фазилатлар уйғунлигидир.

Ҳалол – арабча сўз бўлиб, рухсат этилган, йўл қўйилган, қонуний, асосли, тўғри, виждонли одам маъносида ҳам, шариат ҳукмига мувофиқ эса, ичса, фойдаланса бўладиган, ҳаром эмас деган мазмунга ҳам эга.

«Ҳалоллик» кишининг ўзига қарашли, ўз меҳнати билан, пешона тери тўкиб топилган, хиёнат, ғирромлик кабилардан ҳоли демакдир.

Қуръони карим, ҳадислар ва шариат кўрсатмалари инсон маънавий-маърифий камолотининг асоси бўлган ахлоқ-одоб тарбиясининг барча қирраларини ўз ичига олган. Сирасини айтганда, ҳадислар маънавий-ахлоқий тарбияга оид фикрларнинг мукаммал тўпламидир. Қуръони карим, ҳадисларни, шариат кўрсатмаларини ўрганар эканмиз, уларда ахлоқий камолот, ҳалоллик ва поклик, иймон ва виждон билан боғлиқ бўлган бирорта ҳам муҳим масала эътибордан четда қолмаганини кўрамиз. Айниқса ислом ҳаром ва ҳалол масаласига мусулмонлар эътиборини қаратади. Шариатда Оллоҳ томонидан қилинишига рухсат этилган амаллар, ишлар ҳалол дейилади. Ҳаром эса, аксинча, қилинишига рухсат этилмаган ишлар ва амаллардир. Одатда, ҳалқимиз «ҳалол» ва «ҳаром»ни ейиладиган ва ичиладиган нарсаларга ишлатиб келган. Шариатда ижозат этилган ҳамма нарсалар, ейиладиган озиқ-овқатлар, қилинадиган ишлар ҳалол деб ҳисобланган. Ижозат этилмаган нарсалар, ишлар ва амаллар эса ҳаромдир. Оллоҳ ҳаром этилган ишларни килувчиларга бу дунёда ёки қиёмат кунида жазосини албатта бериши айтилган.

Худо бизга қўйган талаб битта – иймонли бўлиш, ҳалол яшаш ва ҳалол меҳнат қилиш. Ҳар қайси инсон қаерда бўлмасин ва қайси вазифани бажармасин, у вилоят раҳбарими, туман ҳокимими, хўжалик ёки корхона раҳбарими, оддий косиб ёки дехқонми – мартабаси ва касбидан қатъи назар, ўзини ҳаром-хариш ишлардан тийсин ва ўз жойида ўз вазифасини ҳалол бажарсин”.

Шу ўринда Искандар Зулқарнайнинг қилган васияти билан танишсак:

Искандар Зулқарнайн шундай деган экан;

- Мен вафат этгач мозорга олиб бораётганда қўлимни тобутдан чиқариб қўйинглар, токи ярим дунёни эгаллаган бўлсан-да, у дунёга қуруқ қўл билан кетаётганимни одамлар қўриб қўйсин.

Искандар Зулқарнайнинг бундан 25 аср олдин қилиб ўтган васияти ҳозирги кунда ички ишлар органлари ходимлари учун ибрат вазифасини ўтаса не ажаб.

Низомий Ганжавий ўзининг «Хамса» асарида меҳнатнинг инсон ҳаётининг боши ва асоси деб атаб «Биз дунёга сафсата сотиш учун эмас, балки меҳнат учун келганимиз. Ҳалол турмушинг меҳнатдир. Ҳар қандай оғир мاشаққатли меҳнат таъмагирликдан, бирорларнинг инъом-эҳсонига тобе бўлишидан афзалдир»-дейди, ва:

Ўзга хизматига чўзмайин қўлин,
Қўл кучидан ризқ топмоқлик йўлим,
Ўз ризқин меҳнати келмас ҳеч малол,
Фақат меҳнат ила топган нон ҳалол.

Низомий Ганжавий яна: «Халқим меҳнатининг маҳсулини ейиш билан қорнингни тўлдир, қуртдек шишир. Лекин унутмагинки, бир кун келади, унда еганларни қустириш учун, уларни бармоққа айлантириб бугзингга тиқадилар»-дэя, ўз замонасининг одамларини ҳалол меҳнат қилишга, ҳаромдан ҳазар қилишга, бирорларнинг ҳаққини емасликка чақиради.

Халқимизда сақланиб келаётган бир мақолда юқоридаги мавзуга алокадор фикр таъкидланади: «Яримта ноним – роҳати жоним». Мақолнинг сиртқи ва бирламчи маъноси озгина бўлса ҳам, ҳалол ризқ топган одам қалб ҳаловатини сезиши ҳақида. Буни бошқача томондан таърифлаш ҳам мумкин: қанчалик бойиб кетсанг-да, қалбингга ғубор туширадиган ишни қилишдан сақлан, шунда олдингдаги ҳалол ризқингни роҳатланиб, маза қилиб ейсан.

Лекин дунё тамаддунида ўзига хос салмоққа эга бўлган донишманд ҳалқимизнинг мақоли бор: «Арzonнинг шўрваси татимас».

Яқин ўтмишда ота-боболаримиз рўзғор тебратаман, деб ўз уйларидан чиқишида аёллари уйда ўнлаб қиз-ўғил фарзандлари бўлса ҳам, турмуш ўртоғига қарата: «хўжайн, оиласизга, фарзандларимизга фақат ҳалол ризқ олиб келинг, бизлар бу дунёда очарчиликка чидаймиз, лекин охиратнинг азобига чидай олмаймиз»-дэя, ҳалол ризққа жуда қаттиқ эътибор қаратишганлар. Тозаликка, ҳалолликка шу даражада эътибор берганки, ҳаттоки, ариқларда оқаётган сувлардан одамлар эҳтиёжлари учун истеъмол сифатида фойдаланганлар. Момолар совчиликка боришибоқчи бўлсалар, бўлажак келиннинг ҳовли супуришини кузатишганлар. Қизлар ахлатларни ариқ томонга супуришмаса, совчиликка боришибонлигини хозирги кунда кексаларимиз хотирлаб ўтади.

Атрофга қарайлик, кимнингдир боласи ўғирлик қилиб, қамалган. Кимнингдир боласи жиноят қилиб, қочиб юрибди. Яна кимнингдир қизи фаҳш кўчасига кириб кетган... Бу кўргиликларнинг илдизи қаердан сув ичади? «Қозонингга меҳнат ҳосилидан бўлак ҳаром-хариш нарса тушмасин, билъакс, уни истеъмол қилган фарзандлар ота-онасига бемеҳр, бемурувват бўладилар», деган оддий ҳақиқатни билмайдиганлар кўпми орамизда? Ҳаром ботқоғига ботиб ётганларга бало ҳам урмаяпти, сотувчи-харидор можароси денгиздан бир томчи-ку, демоқчимисиз?

«Расулуллоҳ (с.а.в.) ўз ҳадисларида пора олган ҳам, пора берган ҳам дўзахий эканини таъкидлаганлар. Поранинг тури кўп. Масалан, пора – ҳақи бўлмаган ишни бажариш учун ишнинг бошида турган раҳбарларни ҳаром йўлга, ғайриқонуний йўлга бошлиш, тўғри йўлдан кўз юмиш, ноҳақлик қилиши учун бериладиган пул ёки моддий манфаатдорлик. Натижада ҳар икки томон ҳаром ишга қўл урган бўлади.

Хоҳ суд, хоҳ солиқ, хоҳ божхона, хоҳ ҳокимият маъмурияти бўлсин, хоҳ олий ўкув юрти ёки шу каби бошқа жой бўлсин, у ерда давлат томонидан ҳар бир фуқаронинг ҳақини ҳисоб-китоб қиласиган, ишчиларга маош берадиган ходим ёки ходимлар бўлади. Бу ходим, албатта, қонун асосида ишлаши, ҳар бир фуқаро ҳақини кўз қорачиғидек асрashi керак. Лекин пора бериб, ўз ишини бажарадиган киши: «Сенинг халқнинг ҳақи билан ишинг бўлмасин, лавозимингни ҳам ўйлама, мен сенга шунча пора бераман, менинг ишимни бажар. Ноҳақ бўлсам ҳам ишим битсин. Мен сени кўрмадим, сен мени кўрмадинг, тамом-вассалом!», – деб ишини бажариб кетганлар оқибатини, дўзах оловини ўйламайдиларми? Олганлар-чи?! Гугурт чўпининг олови бармоқни куйдирса, неча кун азоб чекилади, а? Жаҳаннам оловичи?

Инсонни ҳалол яшashi ёки ҳаром яшashi бу биринчи навбатда кишининг нафсиға боғлик»¹.

Ҳазрати Аҳмад Яссавий ҳикматларида илгари сурилган ахлоқий панд-насиҳатлардан молпарастликни фош этиш, кишиларни инсофли, диёнатли, иймонли бўлишга чақиришда фойдаланиш ўринли. Яссавий инсон ҳаётидаги катта кураш - нафсни таслим этишга хизмат қиласиган кураш деб ҳисоблаган. Нафсга мағлуб шоҳ - қул, нафсдан устунликка эришган ғарип - шоҳдир, деб айтади. Нафс инсон учун катта ёвдир. Шу ёвнинг бошини янчган, уни енгган, нафсга таслим бўлмаган кишининг ғурури ва инсоний қадр-қимматини ҳеч ким поймол қила олмайди, деб билган. Ўз ҳикматларидан бирида шундай дейди:

Нафс йўлига кирган киши расво бўлур,
Йўлдан озиб, тойиб, тўзиб гумроқ бўлур.
Ётса - турса шайтон билан ҳамроқ бўлур....

У нафс бандаларига қарата «Нафсни тебгил, нафсни тебгил эй бадкирдор» деб мурожаат этади, ва

«Нафсим мени йўлдан уриб хор айлади,

Термултириб ҳалойиқقا зор айлади», - деб нафс бандаларини танқид этади. Нафс инсондаги бутунликни, иймонни синдиради, маънавий жиҳатдан жарликка қулатади. Шу боис «Нафсни таниб меҳнат етса роҳат», - деб хитоб қиласиди. Бу ғоялар бизнинг ҳозирги кунимиз, тарбиямиз учун ғоят муҳим.

Ҳар бир инсон ўзига-ўзи савол берадиган вақт келди. Қандай савол бўлиши мумкин. Мен кимман? Бу ёруғ оламга нимага келдим? Шу бугун давлат, жамият, ҳалқ манфаати учун нима иш қилдим?-деган саволлар. Ҳар бир инсон бу саволларга қуидагича жавоб излаши: «Мен инсонман, инсон. Менда ҳеч қайси ҳайвонда йўқ нарса ақл бор, онг бор, фикрлаш бор. Мен нима учун шундай неъматларни қадрига етиб «ИНСОН» бўлишга ҳаракат қилмайман. Давлат, жамият томонидан белгилаб берилган қонун ва ахлоқ мезонларини бузаман. Менинг инсон эканлигим каерда қолди. «Эҳ», «аттанг», «қанийди»-деган сўзларни кеч бўлмасидан олдин ҳаракатни ҳозирдан бошлаш керак.

Маълумки, Бобур Мирзонинг отаси Умаршайх Мирзо темурий ҳукмдорлардан бири эди. Бобур ўз хотираларида отасининг нақадар адолатли ва ҳалол одам

¹ Икромов Ш.Т. Юксак маънавият ва қонун устуворлиги асосида яшаш, эл-юртга садоқат, адолат, ҳалоллик фазилатларини ва муомала маданиятини камол топтириши. Т.: 2014.

бўлганини кўрсатувчи шундай маълумотни келтириб ўтади. Қай бир йили Хитойдан Фарғонага келаётган минг кишилик карвон Ўш тоғларида кор кўчкини остида қолиб ҳалок бўлади. Умаршайх Мирзо дарҳол одамларини юбориб, карвоннинг юкларини назорат остига олдиради. Эгалари ҳалок бўлган шу молларни икки йилдан зиёд эҳтиётлаб сақлайди. Хуросон ва Самарқандга махсус одам юбориб, карвон эгаларининг меросхўрларини дараклатиб топтиради ва уларни ўз мамлакатига чақиририб, молларни тўлалигича қўлларига топширади.

Бундай мисолларни ўтмишдаги оддий одамлар ҳаётидан ҳам кўплаб келтириш мумкин. Худога минг шукрки, ҳозир ҳам ҳаётимизда шу эзгу тушунчалар барқарор ва устувор. Шунинг учун ҳам биз йўлимизда тўsicқ бўлиб турган, халқимизнинг, фуқароларимизнинг ҳақли равишда норозилиги ва қаҳр-ғазабига сабаб бўлаётган бальзи бемаъни ишларни таг-томири билан йўқотиш ҳакида очик, ошкора гапиряпмиз.

Ҳалол хизмат қилиш ва турмуш кечиришда қаноатнинг ўрни ҳам бекиёсдир. **Қаноат** борасида ҳазрат Навоий шундай дейди: «Қаноат бир чашмаки, суви олган билан қуrimas, у бир ҳазинаки, сарфлаган билан нақди камайmas, у бир экинзорки, ундаги уруғлар иззату шавкат ҳосилини беради ва у бир дараҳтки, муҳтожсизлик ва ҳурмат мевасини тугади. Ундан кўнгилга очиқлик ва кўзга равшанлик етади.

Қаноатли дарвешнинг қотган нони тамагир шоҳнинг тўкин дастурхонидан яхшироқдир. Шоҳ бу олмасдан бергувчиидир, гадо сочмасдан тергувчиидир.

Иш кўплиги-ю, вақт йўқлигидан нолиманг. Вақт кўплиги-ю, иш йўқлигидан қўрқинг. Одамни абгор қиласиган нарса –бекорчилик.

Ҳалоллик инсонни улуғлайди ва обрўсини оширади. Шу боис ҳам ҳалоллик ички ишлар идоралари ходимлари фаолиятининг бош мезони ҳисобланади.

Иймонли одам ҳаром луқма, бировнинг ҳақини ейишдан, ҳаром ишлар қилишдан тийилади, чунки унинг виждони поклиги бунга йўл қўймайди. Ва албатта, у ота-онаси, қариндош-уруғлари, ҳалқи ва Ватани учун фидойилик билан ҳалол меҳнат қиласи, ҳалол луқма топиб, фарзандларига едиради.

Минг афсуски, яқин вақтгача “ҳалоллик вакцинаси” билан эмланмаган одамлар порахўрликка, таниш-билишчиликка берилиб кетиши натижасида коррупция ҳолатларига йўл қўйишиди. Бу ҳолат, барча соҳаларда бўлгани каби, таълим муассасаларига кириб келиши кечирилмас ва ачинарли ҳолат саналади. Олий таълим муассасаларида таниш-билишчилик, тога-жиянчилик асосида ўқишини битириб, диплом олган мутахассис, яна шу асосда ишга жойлашиб ҳам оларди. Илмни пухта эгалламаган “мутахассис”дан нимани ҳам кутиш мумкин. Бундайлар ишлайдиган соҳа оқсайди, ривожланиш бўлмайди, охир-оқибатда жамиятни ботқоқликка қараб тортади.

Коррупцияни ҳозирги кунгача ҳеч қандай жазо, ҳеч қандай хавф олдини ололмаган. Бунинг ягона йўли – “ҳалоллик вакцинаси”. Яъни, ҳалоллик инсоннинг онгу шуурида бўлиши лозим. Уни эса пайдо қилиш керак бўлади. Йилнинг номида “маърифат” сўзи иштирок этаётгани ҳам шундан. Очкўзликни, ебтўймасликни фақат маърифат билан енгиш мумкин-да. Миллатнинг юзлаб йиллар давомида йиккан билими, тажрибаси, маънавий қадриятлари, албатта, “ҳалоллик вакцинаси”ни пайдо қилиш учун етарли бўлади.

Жамиятни кузатсак, кўп мансабдор шахсларни муомаласини, юриш-туришини

кўриб инсонни дилида ҳавас ўйғонади. Кейин қараб кузатилса, мансаб ваколатини сустеъмол қилиб, давлатга жуда катта заар өтказганини эшишиб, гувоҳи бўламиз. Наҳотки, инсон онгли мавжудод бўлиб, ўйлаб кўрмаса. Ўйлаш учун Ватанини, аждодларини тарихини чуқур билиши керак. Мустақилликка эришмасимиздан олдин, Ўзбекистон СССРнинг «дала томорқаси» эканлигини ҳамма билади. Ватандошларимизни қул қилиб ишлатиб, Ватанимизнинг бор бойлигини талади, ташиб кетди. Мустабид тузум даврида ота-боболаримизнинг «ўз гўштини ўз ёғига қовуриб» пешона териси билан ишлаб топган бор мол-мулкини тортиб олишди, яна уларга бу ҳам етмаганидек тухмат тошларини отишди. Ўз юртларида пешона тери билан топган ризқларини ўз қўллари билан «катта оғалари»га тутқазишга мажбур қилдилар.

Энди Ватанимиз озод ва мустақил бўлганида орамизда «айрим кимсалар» ўз юртининг ва ўз ватаношларининг ҳаққига хиёнат қилиб, мансаб ваколатидан фойдаланиб, давлат мулкини ва ватандошлари ҳаққини била туриб, онгли равища англаш талон-тарож қилаётганини кўриб турибмиз. Наҳотки, инсон зоти ҳеч ўйлаб кўрмайди. Ўзига-ўзи: «Мен сустеъмол қилаётган бу мол-мулклар, Ватанимнинг мол-мулклари, мен сустеъмол қилаётган мол-мулклар ватандошларимнинг, миллатдошларимнинг мол-мулклари. Мен нима қиляпман ўзи? Ватан ишониб, мени шу мансабга лойик топганида, мен Ватан, ҳалқ, жамият учун эмас, бу Ватан мен учун, бу ҳалқ менинг оилас, менинг нафсим учун хизмат қилсинми? Мен сустеъмол қилаётган мол-мулклар қанчадан қанча инсонларнинг машиқатли меҳнати эвазига тўпланган мулк-ку!»-дея, фикр юритса, яхши бўларди.

Мансаб ваколатидан фойдаланиб бир инсонга «қилган яхшилик эвазига» таъма қилиш қандай оқибатларга олиб келишини, ҳаёти, тақдири бир зумда ўзгариб, ҳар бир инсон ўзига ўзи душманлик қилиб қўйиши мумкинлигини бир ўйлаб кўриш керак.

Шу ўринда бир фикр юритсақ, давлатнинг мулкини ўзлаштириш ёки растрата йўли билан талон-торож қилиш, фуқаролардан таъмагирлик йўли билан пора олиш қайси инсоннинг бу азиз умрини бир сониясига алмашишга тўғри келади. Ҳеч қайси инсоннинг. Пора олиш, пора бериш ёки воситачилик қилиш бу дунёда жиноят эканлиги, бунинг учун жавоб муқаррар эканлиги жиноят кодексида белгилаб қўйилган. Қонунни тушунган, ўзини англаган, ҳаромдан ҳазар қиладиган инсон бу каби жиноятларни қилмайди ва ўзига жиноятчи деган тамға босилишидан қўрқади. Бундай инсонлар эртасини ўйлайди, ота-онасини, қариндош-уругларини, шириндан-шакар фарзанд-ларини ўйлайди. Уларнинг эртанги кунига доғ туширишга йўл қўймайди.

Ўз жигилдони пайида бўлган одамни, қорнини тўйғазиб олган молга ўхшатишган. Шундай экан, ички ишлар органлари ходимлари **хуқуқни муҳофаза қилиш органи вакили** бўлиб, ҳалолликка доимо эътибор қаратиб, ҳеч қачон давлат томонидан чиқарилган қонунларни бузмаслик, қонунларга хурмат руҳида ўзи тарбияламоги шарт.

Ўзбекистон мустақил бўлиб, инсон ҳуқуқлари ва эркинликлари қадрланган ҳозирги шароитда, бир Ватанда яшаб, фуқароларга нисбатан мансаб ваколатидан фойдаланиб, пора олиш шу ватандошга нисбатан **хиёнат** эканлигини вақтида

тушуниб етиш керак.

Ривоят қилишларича, уч-тўрт ёшли гўдак қўшнисиникидан тухум олиб чиқиб онасига беради. У бу қилмишининг ўғирлик эканини билмайди. Тухум қўзига чиройли кўрингани учун олган. Ҳаром ва ҳалолнинг фарқига бориши лозим бўлган, аммо, бунга амал қилмайдиган жоҳил она эса, боласини қайтариш ўрнига тухумни унинг қўлидан олиб:

— Менинг ақлли болагинам, онасига меҳрибон ширингинам, — деб алқайди.

Бола эса, қўшнисиникидан тухум ўғирлаб олиб чиқишни одат тусига киритади. Чунки онасининг мақтовларидан бу ишни хайрли деб билади. Оқибатда бола улғайгани сайин ўғирлик миқдори ҳам орта боради. Тухумдан товуққа, товуқдан қўйга... Ниҳоят, у ашаддий жиноятчига айланади-ю, қўлга тушиб ўлимга ҳукм қилинади. Она эса ёлғиз ўғлига шафқат қилишларини сўраб ёлборади. Онанинг илтижолари эътиборсиз қолдирилиб, ўғри йигит дор остига келтирилди. Унга: «Сўнгти тилагингни айт, бажарайлик», — дедилар. Йигит: «Ўлимим олдида онажонимнинг тилларидан бир ўпай», — деб илтимос қилди. Онани яқин келтирдилар. Йигит онасининг тилини ўпиш ўрнига тишлаб узиб ташлайди. Оломон: «Бу қаттол бунча бемехр экан», — деб уни лаънатлади. Шунда йигит: «Мени жиноят йўлига буриб, дор остига олиб келган шу тилдир. Аввал у жазо олмоғи керак эди», — деган экан, деди.

Шу ўринда Ўзбекистон ҳалқ ёзувчиси Ўткир Ҳошимовнингн «Икки эшик ораси» романида ёзилган қуйидаги сўзлар келтириб ўтсак. «Бир хил одамлар бор: у эшиқдан кириб бу эшиқдан чиқиб кетаётганида қўлидан келганча савоб иш қиласди. Ҳаёт деган иморатга ақалли битта ғишт қўйиб кетади. Яна бир хиллари бор: ўша иморатдан ақалли битта ғишт ўғирлаб кетгиси келади. Ўғирлаб-ку, ҳеч қаёққа боролмайди, нариги эшик олдига борганда барибир ташлаб кетади. Икки орада иморатни бузгани қолади...».

«Менинг нафсим балодур, ёнар ўтга соладур» деган наклда нафснинг оғир оқибатлари назарда тутилади. Тарихдан маълумки қанчадан қанча шоҳлар ҳам ўз нафси туфайли салтанатлари инқирозга юз тутган. Шоҳни гадо қилган ҳам шу нафс. Инсон давлатни мулкини нима учун талон-тарож қиласди, порани нима учун олади? Ўз нафсига кул бўлганидан олади. Шу жойда ақл нафсдан устун келганида эди, тарбия мустаҳкам бўлганида эди, давлатни мулкини талон-тарож қилмасди, пора олмасди, таъма қилмасди. Не ажабки, камбағалда пул йўқ, бойда эса, хотиржамлик...

Хулоса ўрнида, оиладаги ҳалоллик – тарбиянинг бош мезонидир қайси жамиятда ҳалол фуқаролар қўпайса, ўша ерда баҳт ва фаровонлик ҳукм сўради. Дил, тил ва амал бирлиги масаласи ҳам ҳалоллик тушунчасида қамраб олинади. Ҳозирги кунда давлатимиз миллий-маънавий қадриятларни тиклаш, одамларни ҳалол, инсофли, адолатли бўлишга чақириш, жамият маънавий устуворлигининг муҳим жиҳати ҳисобланади.

Шу ўринда Сингапурнинг биринчи бош вазири Ли Куан Юнинг ҳикматли сўзини эслатиб ўтиш ўринлидир. У шундай таъкидлаган эди: “**Менда иккита йўл бор эди: биринчиси - ўғирлаш ҳамда дўстларимни ва қариндошларимни “Forbes” рўйхатига киритиш, бу билан ҳалқимни қуп-қуруқ ер устида қолдириш, иккинчиси – бу ҳалқимга хизмат қилиш ва мамлакатни дунёнинг**

ЭНГ ЯХШИ МАМЛАКАТЛАР ЎНТАЛИГИГА КИРИТИШ. МЕН ИККИНЧИСИНИ ТАНЛАДИМ...”

Биз болаларимизга ёшлик чоғиданоқ ҳалоллик борасидаги тарбияни уларнинг онгига сингдира олишимиз керак. Шундагина биз юртбошимиз таъкидлаган барча марраларни биргаликда забт этиб, оилада ҳалол ва покиза ҳаёт кечирамиз.

Ҳалол ва пок ризқ ила ҳаёт кечириш эса бутун умримизнинг самарали бўлиши кафолатидир.

АСОСИЙ АДАБИЁТЛАР

I. Ўзбекистон Республикаси Қонунлари:

1. Ўзбекистон Республикасининг Конституцияси – 2023 й.
2. Ўзбекистон Республикасининг 2016 йил 16 сентябрдаги «Ички ишлар органлари тўғрисида»ги Қонуни.
3. Ўзбекистон Республикасининг “Коррупцияга қарши курашиш тўғрисида”ги Қонуни. 2017 йил 3 январь.

II. Ўзбекистон Республикаси Президенти Фармонлари ва Қарорлари

1. Ўзбекистон Республикаси Президентининг 2021 йил 26 марта ПФ-6196-сонли «Жамоат хавфсизлигини таъминлаш ва жиноятчиликка қарши курашиш соҳасида ички ишлар органлари фаолиятини сифат жихатидан янги босқичга кўтариш чора-тадбирлари тўғрисида»ги Фармони.

2. Ўзбекистон Республикаси Президентининг 2021 йил 2 апрелда «Ички ишлар органларининг жамоат хавфсизлигини таъминлаш ва жиноятчиликка қарши курашиш соҳасидаги фаолиятини янада такомиллаштириш буйича қўшимча ташкилий чора-тадбирлар тўғрисида»ги ПҚ-5050-сонли Қарори.

3. Ўзбекистон Республикаси Президентининг 2021 йил 15 апрелда «Ички ишлар органлари учун профессионал кадрларни тайёрлашнинг сифат жихатидан янги тизимини жорий этиш буйича чора-тадбирлар тўғрисида»ги ПҚ-5076-сонли Қарори.

4. Ўзбекистон Республикаси Президентининг 2023 йил 20 январдаги “Ички ишлар органларини ҳалқчил профессионал тузилмага айлантириш ва аҳоли билан янада яқин ҳамкорликда ишлашга йўналтириш буйича қўшимча чора-тадбирлар тўғрисида”ги ПҚ-10-сон Қарори

III. Ўзбекистон Республикаси Вазирлар Маҳкамаси Қарорлари ва Ўзбекистон Республикаси вазирликларининг ҳуқуқий-меъёрий ҳужжатлари

1. Ўзбекистон Республикаси ИИВнинг 2021 йил 21 ноябрдаги «Ички ишлар органлари маънавий-маърифий ишлар хизмати фаолиятини такомиллаштириш чора-тадбирлари тўғрисида»ги 400-сон буйруғи

2. Тохир Малик. Одамийлик мулки. Тошкент, 2016.

IV. Интернет сайтлари

1. <http://mvd.uz> (Ўзбекистон Республикаси ИИВ);
2. <http://ipkmvd.uz> (Ўзбекистон Республикаси ИИВ Малака ошириш институти);

-
3. <http://akadmvd.uz> (Ўзбекистон Республикаси ИИВ Академияси);
<http://lex.uz> (Ўзбекистон Республикаси Қонун ҳужжатлари маълумотлари
миллий базаси);
 1. <http://www.tsil.uz> (Тошкент давлат юридик университети).